

Presentazione di u racontu

Ogettivi : - Entre in literatura;
- Fà capì u sensu generale di a fola

Materiale : - Una seria di fiure (A3) di u racontu

Sbucinera :

1 Prima tappa :

U maestru dice u racontu (ùn leghje micca) mustrendu e fiure chì ghjovanu di puntelli per aiutà a capiscera.

E fiure sò appiccate à u tavulone in l'ordine crunologicu è u racontu hè dettu sanu sanu.

2 Seconda tappa :

U maestru dice un'antra volta u racontu e principia un travagliu di spressione aiutata cù dumande è risposte.. Una « frasa chjave » serà scelta per ogni fiura è serà ripetuta da rispettà a funulugia. Dopu serà scritta sott' à a fiura chì li currisponde. Ci vulerà à prevede di fà 3 o 4 seanze pè sta seconda tappa.

Nu di a fiura	Dumande / risposte	Frasa chjave Ciculu 1	Frasa chjave Ciculu 2	Frasa chjave Ciculu 3
Fiura 1	<ul style="list-style-type: none"> - Chì si vede nant' à sta fiura ? - Si vedenu funghi. - Induve sò sti funghi ? - Sò ind' è a furesta di Vizzavona. - Di chì stagione si tratta ? - Si tratta di u vaghime. - Cumu vi parenu i funghi ? - Sò allegri. <p style="text-align: center;"><i>Dumande in più pè u ciculu 2 :</i></p> <ul style="list-style-type: none"> - Arburi, quanti ci n' hè nantu à a fiura? - Ci n' hè trè ! - Sò tutti listessi ? - Innò, ci sò dui pini (dui larici) è un faiu. <p style="text-align: center;"><i>Dumande in più pè u ciculu 3 :</i></p> <ul style="list-style-type: none"> - Qualesse sò e cundizione metteurologiche chì favurizeghjanu a nascita di i funghi? - Ci vole una bella piozza pò dui o trè ghjorni di sole. - Qualessa hè a spressione chì vole di chì i funghi sò allegri è cuntenti ? - A spressione hè « I funghi si mettenu in tocchisi. » 	Di vaghjime, in a furesta di Vizzavona, escenu i <u>funghi</u> .	Di vaghjime, in a furesta di Vizzavona, sott' à i larici è i fai, escenu liccini, buletri, turchini, ghjallistorzi è falzi buletri.	Di vaghjime, dopu à e prime piozze, in a furesta di Vizzavona, sott' à i larici è i fai, escenu liccini, buletri, turchini, ghjallistorzi, falzi buletri è tant' altri chì si mettenu in tocchisi.
Fiura 2	<ul style="list-style-type: none"> - Cumu si chjama st' omu ? - St' omu si chjama Taviu 	Taviu coglie assai funghi per vendeli à u marcatu	Taviu hè un omu chì stà accantu à a gara di Vizzavona	Per disgrazia l'affari s'imbruttanu per i

	<p>- Induve stà Taviu ? - Taviu stà accantu à a gara di Vizzavona. - Chì face Taviu ? - Taviu coglie funghi assai assai. - Chì ne face di tutti sti funghi ? - V'ha à vendeli à u marcatu d' Aiacciu ;</p> <p><i>Dumande in più pè u ciculu 2 :</i> - Quantu funghi coglie Taviu? - Taviu coglie funghi à spurtillate piene.</p> <p><i>Dumande in più pè u ciculu 3 :</i> - Chì raprisenta Taviu pè i funghi? - taviu raprisenta una disgrazia pè i funghi. - Qualessa hè a sprissione chì dice chì a situazione per i funghi diventa pericolosa? - A sprissione hè "l'affari s'imbruttonu".</p>	d' Aiacciu.	<p>è chì coglie funghi à spurtillate piene per andà à vendeli à u marcatu d' Aiacciu.</p>	<p>funghi : un omu chjamatu Taviu chì stà accantu à a gara di Vizzavona coglie i funghi à spurtillate piene per vendeli à u marcatu d' Aiacciu.</p>
Fiura 3	<p>- Induve s'adduniscenu i funghi ? - I funghi s'adduniscenu in piena furesta. (<i>Pè u ciculu 3 s'aghjusterà : in una chjarina</i>). - Quale sò l'amiche di i funghi? - L'amiche di i funghi sò e ghjire. - Chì dicenu e ghjire à i funghi ? - E ghjire dicenu d'andà à dumandà aiutu à a Signora di a furesta. <i>Dumande in più pè u ciculu 2 :</i> - Induve campanu e ghjire ? - E ghjire campanu ind'è i fai. <i>Dumande in più pè u ciculu 3 :</i> - Perchè chì i funghi si lagnanu? - Si lagnanu perchè anu u penseru d'un passacci tutti. - Qualessa hè a sprissione chì vole di « dumandà aiutu » ? - A sprissione hè : « chere aiutu ».</p>	<p>E ghjire dicenu à i funghi d'andà à dumandà aiutu à a Signora di a furesta.</p>	<p>I funghi s'adduniscenu in piena furesta è e ghjire li dicenu d'andà à dumandà aiutu à a Signora di a furesta.</p>	<p>I funghi s'adduniscenu in una chjarina è si lagnanu, allora e so amiche e ghjire li cunsiglianu d'andà à chere aiutu à a Signora di a furesta.</p>
Fiura 4	<p>- Quale hè a donna nant'à sta fiura ? - Sta donna hè a Signora di a furesta. - Incù quale hè ? - Hè cù u so canucciu. - Chì prumette à i funghi? - Prumette à i funghi d'aiutalli. <i>Dumande in più pè u ciculu 2 :</i> - Qualessi sò i secreti ch'ella cunnosce a Signora di a furesta? - A Signora di a furesta cunnosce tutti i secreti di a furesta. <i>Dumande in più pè u ciculu 3 :</i> - Quale hè chì vene à truvalla per cunsultalla?</p>	<p>A signora di a furesta vene cù u so canucciu è prumette à i funghi d'aiutalli.</p>	<p>A signora di a furesta chì cunnosce tutti i secreti di a furesta vene cù u so canucciu è prumette à i so amichi i funghi d'aiutalli.</p>	<p>A Signora di a furesta cunnosce tutti i secreti di a furesta è venenu i sapientoni di u mondu sanu à cunsultalla. Prumette à i so amichi i funghi d'aiutalli.</p>

	Venenu i sapientoni di u mondu sanu.			
Fiura 5	<p>- Chì face a Signora di a furesta ?</p> <p>- A Signora di a furesta ghjunghje ind'è Taviu.</p> <p>- Chì face Taviu ?</p> <p>- Taviu si face una frittata di funghi.</p> <p>- Chì li dumanda a Signora di a furesta ?</p> <p>- Li dumanda di risparà i funghi.</p> <p><i>Dumande in più pè u ciculu 2 :</i></p> <p>- Risponde Taviu?</p> <p>- Innò, face arechje di marcante!</p> <p><i>Dumande in più pè u ciculu 3 :</i></p> <p>- Perchè chì ci vole à risparà i funghi?</p> <p>- Perchè chì, senza funghi, l'arburi ùn crescenu micca bè.</p>	Taviu si face una frittata di funghi. Ghjunghje a Signora di a furesta è li dumanda di risparà i funghi.	Taviu si face una frittata di funghi. Ghjunghje a Signora di a furesta è li dumanda di risparà i funghi ma ellu face arechje di marcante.	Taviu si face una frittata di funghi. Ghjunghje a Signora di a furesta è li dumanda di risparà i funghi perchè chì, senza elli, l'arburi ùn crescenu micca bè. Ma Taviu face arechje di marcante.
Fiura 6	<p>- Chì face Taviu ?</p> <p>- Taviu cuntinueghja à coglie i funghi. <i>(pè i ciculi 2 è 3 s'aghjusterà « à issa più bella »)</i></p> <p>- Un coglie chè i funghi maiò ?</p> <p>- Innò, coglie ancu i chjuchi chjuchi <i>(pè u ciculu 3, si puderà di « mancu i chjuchi chjuchi ùn si francanu »)</i></p> <p><i>Dumande in più pè u ciculu 3 :</i></p> <p>- Qualessa hè a spressione chì vole di "stirpà a furesta"?</p> <p>- A spressione hè "mette à l'abbottu a furesta".</p>	Taviu cuntinueghja à coglie i funghi, ancu i chjuchi chjuchi.	Taviu cuntinueghja à issa più bella à coglie i funghi, ancu i chjuchi chjuchi.	Taviu cuntinueghja à mette à l'abbottu a furesta. Coglie à issa più bella i funghi, mancu i chjuchi chjuchi ùn si francanu.
Fiura 7	<p>- Induve hè Taviu ?</p> <p>- Taviu hè in casa soia .</p> <p>- Chì mumentu di a ghjurnata hè ?</p> <p>- Hè a sera.</p> <p>- Chì face Taviu ?</p> <p>- Si sciacca una frittata di funghi.</p> <p><i>Dumande in più pè u ciculu 2 :</i></p> <p>- Chì face dopu cena?</p> <p>- Dopu cena Taviu si mette in lettu.</p> <p><i>Dumande in più pè u ciculu 3 :</i></p> <p>- A si sciacca tutta sta frittata Taviu?</p> <p>- Iè, senza lascià mancu un pilliculu.</p> <p>- Qualessa hè a spressione chì dice chì Taviu ùn hà più fame?</p> <p>- A spressione hè : "hè bellu techju!"</p>	A sera, in casa soia, Taviu si sciacca tamanta frittata di funghi.	A sera, in casa soia, Taviu si sciacca tamanta frittata di funghi è, dopu cena, si mette in lettu.	A sera, in casa soia, Taviu si sciacca tamanta frittata di funghi senza lascià mancu un pilliculu. Dopu cena, bellu techju, si mette in lettu.
Fiura 8	<p>- Induve hè Taviu ?</p> <p>- Taviu hè in lettu .</p> <p>- Chì mumentu di a ghjurnata hè ?</p> <p>- Hè a notte <i>(pè i ciculi 2 è 3 si dicerà « ind'è a nuttata »)</i></p> <p>- Ch'hà Taviu ?</p> <p>- Taviu hà a pena in corpu.</p> <p>- Quale chjama à u succorsu?</p> <p>- Chjama à u succorsu a Signora di a furesta.</p>	A notte, Taviu hà a pena in corpu è chjama à u succorsu a Signora di a furesta.	Ind'è a nuttata, Taviu hà a pena in corpu è hà a paura d'essesi avvilitatu cù i funghi. Chjama à u succorsu a Signora di a furesta.	Ind'è a nuttata, Taviu hà a pena in corpu è hà a paura d'essesi avvilitatu cù i funghi. Chjama à u succorsu a Signora di a furesta perchè sà ch'ella cunnosce e

	<p><i>Dumande in più pè u ciculu 2 :</i></p> <ul style="list-style-type: none"> - Perchè ch'è Taviu li sente u corpu? - Li sente u corpu perchè hà una indigestione. - Taviu hè impauritu, perchè? - Hè impauritu ch'è pensa ch'ellu s'hè avvulinatu cù i funghi. <p><i>Dumande in più pè u ciculu 3 :</i></p> <ul style="list-style-type: none"> - Perchè ch'è Taviu chjama a Signora di a furesta à u succorsu. - Taviu chjama a signora di a furesta à u succorsu perchè sà ch'ella cunnosce e medicine per guarisce quelli ch'è s'avvilineghjanu. 			<p>medicine per guarillu.</p>
Fiura 9	<ul style="list-style-type: none"> - Ch'è ne pensa a Signora di a furesta di a malatia di Taviu ? - A signora di a furesta pensa ch'è Taviu hà solu una indigestione. - Ch'è li face prumette prima di guarillu ? - Prima di guarillu, li face prumette d'ùn coglie mai più funghi. <p><i>Dumande in più pè u ciculu 2 :</i></p> <ul style="list-style-type: none"> - Ch'è medicina a Signora di a furesta dà à Taviu? - Li dà una tisana d'erbigliule. <p><i>Dumande in più pè u ciculu 3 :</i></p> <ul style="list-style-type: none"> - Perchè ch'è a Signora di a furesta piglia un'aria penserosa? - Perchè hè maligna è vole lascià crede à Taviu ch'ellu s'hè avvulinatu per ottene a so prumessa. 	<p>A Signora di a furesta pensa ch'è Taviu hà una indigestione ma, prima di guarillu, li face prumette d'ùn coglie mai più funghi.</p>	<p>A Signora di a furesta pensa ch'è Taviu hà una indigestione ma, prima di guarillu, li face prumette d'ùn coglie mai più funghi. Tandu li dà una tisana d'erbigliule.</p>	<p>A Signora di a furesta pensa ch'è Taviu hà solu una indigestione ma li lascia crede ch'ellu s'hè avvulinatu per falli prumette d'ùn andà mai più à coglie funghi. Da ch'è ellu prumette, u guarisce cù una tisana d'erbigliule.</p>
Fiura 10	<ul style="list-style-type: none"> - Induve hè Taviu ? - Taviu si n'hè andatu in cità. - Ch'è facenu a Signora di a furesta è i funghi ? - A Signora di a furesta è i funghi facenu festa . - Incù quale facenu festa ? - Facenu festa cù u canucciu, e ghjire è l'arburi di a furesta. <p><i>Dumande in più pè u ciculu 3 :</i></p> <ul style="list-style-type: none"> - Ch'è si passa da tandu in furesta di Vizzavona? - Da tandu, hè dinò cuccagna in furesta di Vizzavona. 	<p>Taviu si n'hè andatu è tutta a furesta face festa.</p>	<p>Taviu tene a so prumessa è si ne v'è in cità. A Signora di a furesta, u so canucciu, i funghi, è ghjire è l'arburi di a furesta facenu festa.</p>	<p>Taviu tene a so prumessa è si ne v'è in cità. A Signora di a furesta, u so canucciu, i funghi, è ghjire è l'arburi di a furesta facenu festa. Da tandu, hè dinò cuccagna in furesta di Vizzavona</p>